

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 37. stav (7)., i članom 45. stav (1) Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 91. sjednici, održanoj 23.03.2017. godine, d o n o s i

ZAKLJUČAK

o usvajanju Programa utroška namjenskih sredstava iz oblasti šumarstva za 2017. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2017. godinu

I.

Usvaja se Program utroška namjenskih sredstava iz oblasti šumarstva za 2017.godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16) u iznosu od 1.572.590,00 KM (slovima:milionpetstotinasedamdesetdvijehiljadepetstodevedeset konvertibilnih maraka) predviđena za tekuće rashode čuvarske službe, nabavku opreme, transfere općinama, pošumljavanje i druga ulaganja za unapređenje šuma, a koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu-Kantonalna uprava za šumarstvo i Ministarstvo finansija, svako u okviru svojih nadležnosti.

IV

Zaključak stupa na snagu danom donošenja.

Broj: 02-_____ /17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1 x Ministarstvo za poljoprivredu, šumarstvo i vodoprivredu,
1x Kantonalna uprava za šumarstvo (putem Ministarstva)
1 x Ministarstvo finansija
1 x a/a.

P R O G R A M
utroška namjenskih sredstava iz oblasti šumarstva za 2017.godinu

UVOD

Osnov za izradu Programa utroška namjenskih sredstava iz oblasti šumarstva za 2017. godinu čine Zakon o šumama («Službene novine Zeničko-dobojskog kantona» broj 8/13, 1/15) i Budžet Zeničko-dobojskog kantona usvojen za 2017.godinu.

SVRHA PROGRAMA

Svrha izrade Programa je da prikaže, po osnovu kojih namjenskih sredstava su planirani prihodi u Budžetu Zeničko-dobojskog kantona za 2017.godinu, kao i za koje namjene i u kojem iznosu će planirana sredstva biti utrošena.

VISINA SREDSTAVA I IZVORI FINANSIRANJA

Namjenski prihodi iz oblasti šumarstva, u Budžetu Zeničko-dobojskog kantona za 2017.godinu, planirani su u iznosu od **1.572.590,00 KM**, a čine ih sredstva planirana po osnovu slijedećih naknada :

| | |
|---|----------------------|
| 1. Naknade za općekorisne funkcije šuma | 420.100,00 KM |
| 2. Naknade za obavljanje stručnih poslova u privatnim šumama | 384.500,00 KM |
| 3. Naknade u postupku promjene namjene šumskog zemljišta (krčenja šuma) | 100.000,00 KM |
| 4. Naknade za korištenje državnih šuma | 50.000,00 KM |
| 5. Naknade za štete pričinjene državnim šumama i šumskom zemljištu | 20.400,00 KM |
| <u>6. Sredstva za proširenu biološku reprodukciju šuma</u> | <u>597.590,00 KM</u> |
| Ukupno | 1.572.590,00 KM |

KRITERIJI ZA UTROŠAK SREDSTAVA I NAČIN UTROŠKA

1. Naknade za općekorisne funkcije šuma

Na osnovu člana 50. Zakona o šumama («Službene novine Zeničko-dobojskog kantona» broj 8/13), naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a na osnovu člana 52. istog Zakona, plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu 3. istog člana.

U Budžetu Zeničko-dobojskog kantona za 2017.godinu, po osnovu naknada za općekorisne funkcije šuma, planirani su prihodi u ukupnom iznosu od **420.100,00 KM**, namijenjeni za slijedeće:

| | |
|---|----------------------|
| 1.1. Sufinansiranje rada čuvarske službe – tekući izdaci | 177.100,00 KM |
| 1.2. Nabavka opreme za čuvarsku službu..... | 84.000,00 KM |
| 1.3. Rekonstrukcija i investiciono održavanje- rekonstrukcija šuma i šumskog zemljišta | <u>159.000,00 KM</u> |
| | Σ 420.100,00 KM |

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 177.100,00 KM, namijenjena su za slijedeće izdatke:

| Rb | Izdaci | KM | % |
|----|------------------------------|------------|--------|
| 1. | Bruto plaće zaposlenih | 95.600,00 | 53,99 |
| 2. | Naknade troškova zaposlenih | 32.500,00 | 18,35 |
| 3. | Doprinosi poslodavca | 11.800,00 | 6,66 |
| 4. | Izdaci za materijal i usluge | 37.200,00 | 21,00 |
| | Ukupno | 177.100,00 | 100,00 |

Kako se vidi iz date tabele, najveći dio sredstava planiranih za sufinansiranje rada čuvarske službe predviđen je za finansiranje bruto plaća, naknada i doprinosa poslodavca, odnosno 139.900,00 KM, ili 79,00 % planiranih sredstava.

Preostala sredstva u visini od 37.200,00 KM ili 21,00 % predviđena su za sufinansiranje izdataka za materijal i usluge:

- električna energija i grijanje odjeljenja Uprave u iznosu od 9.900,00 KM
- poštanske, telefonske i druge komunalne usluge odjeljenja u iznosu od 13.700,00 KM
- nabavka administrativnog materijala za odjeljenja u iznosu od 3.000,00 KM
- izdaci za zakup prostora za odjeljenja u iznosu od 5.600,00 KM
- ugovorene usluge, tj. za izdatke za posebne naknade na dohodak za zaštitu od prirodnih i drugih nesreća, informisanje i slično, predviđena su sredstva u iznosu od 5.000,00 KM.

Realizacija Programa pod tačkom 1.1. u dijelu koji se odnosi na finansiranje plaća i naknada vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, na osnovu procedura propisanih u Zakonu o javnim nabavkama i računa ispostavljenih za izvršene usluge.

1.2. Nabavka opreme za čuvarsku službu

Planirana sredstva pod tačkom 1.2. u visini od 84.000,00 KM, predviđena su za nabavku kompjuterske i kancelarijske opreme koju je zbog dugogodišnje upotrebe i otpisanosti potrebno zamijeniti, u iznosu od 15.000,00 KM i nabavku 3 terenska motorna vozila u iznosu od 69.000,00 KM, kao zamjenu za dotrajala terenska vozila.

Realizacija Programa pod tačkom 1.2. vršit će se prema procedurama propisanim u Zakonu o javnim nabavkama.

1.3. Rekonstrukcija i investiciono održavanje- rekonstrukcija šuma i šumskog zemljišta

Sredstva pod tačkom 1.3., planirana iz naknada za općekorisne funkcije šuma, predviđena su za rekonstrukciju šuma i šumskog zemljišta tj. za čišćenje i pošumljavanje opožarenih i devastiranih površina, provođenje šumsko-uzgojnih i zaštitnih mjera i za druge aktivnosti koje doprinose unapređenju šuma i za krajnji cilj imaju poboljšanje općekorisnih funkcija šuma :

- Rekonstrukcija i investiciono održavanje- rekonstrukcija
šuma i šumskog zemljišta 159.000,00 KM

Realizacija Programa pod tačkom 1.3. izvršit će se putem kandidovanih i komisijски odobrenih projekata.

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama od 1.1. do 1.3. utemeljen je u članu 53. Zakona o šumama.

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2017. godinu planirani su u iznosu od 384.500,00 KM, a namijenjeni su za tekuće izdatke tj. izdatke za materijal i usluge potrebne za obavljanje stručnih poslova u privatnim šumama, i za rekonstrukciju i investiciono održavanje, u niže navedenim iznosima :

2.1. Sufinansiranje izdataka za obavljanje
stručnih poslova u privatnim šumama..... 84.500,00 KM

2.2. Rekonstrukcija i investiciono održavanje 300.000,00 KM

Σ 384.500,00 KM

2.1. Izdaci za obavljanje stručnih poslova u privatnim šumama

Iz naknada za obavljanje stručnih poslova u privatnim šumama, za sufinansiranje izdataka za materijal i usluge potrebnih za obavljanje stručnih poslova u privatnim šumama, planirana su sredstva u iznosu od 84.500,00 KM. .

Planirani izdaci odnose se na slijedeće: nabavku potrošnog materijala potrebnog za gospodarenje u privatnim šumama, tj. nabavku pločica za obilježavanje drvnih sortimenata, otpremnih iskaza, knjiga panjeva, knjiga doznake, zatim na nabavku dijelova uniformi za zaposlenike čuvarske službe, nabavku goriva, finansiranje specijalističkih kurseva iz oblasti šumarstva i putnih troškova za iste, kao i na izdatke za tekuće održavanje namijenjene, prije svega, za troškove održavanja terenskih motornih vozila datih na korištenje odjeljenjima Kantonalne uprave za šumarstvo :

| | |
|--|--------------------|
| - Nabavka potrošnog materijala za gospodarenje u privatnim šumama i nabavka dijelova uniformi..... | 30.000,00 KM |
| - Izdaci za komunalne usluge | 2.700,00 KM |
| - Izdaci za gorivo i registraciju vozila | 32.000,00 KM |
| - Izdaci za tekuće održavanje | 7.000,00 KM |
| - Izdaci za zakup prostora (odjeljenja) | 1.800,00 KM |
| - Putni troškovi | 2.000,00 KM |
| - <u>Ostali izdaci i ugovorene usluge</u> | <u>9.000,00 KM</u> |
| | Σ 84.500,00 KM |

Realizacija Programa pod tačkom 2.1. izvršit će se na osnovu procedura propisanih u Zakonu o javnim nabavkama i računa ispostavljenih za izvršene usluge.

2.2. Rekonstrukcija i investiciono održavanje

Iz naknada za obavljanje stručnih poslova u privatnim šumama, u 2017.godini, za rekonstrukciju i investiciono održavanje planirana su sredstva u visini od 300.000,00 KM, namijenjena za :

| | |
|--|---------------|
| 2.2.1. Izrada šumskogospodarskih osnova za privatne šuma | 280.000,00 KM |
| 2.2.2.. Biološka obnova i unapređenje šuma, obnova šuma od prirodnih nepogoda, požara i slično | 20.000,00 KM |

Pod tačkom 2.2.1. Programa, a na osnovu člana 48.stav (1) tačka f) i člana 53.stav (1) tačka c) Zakona o šumama («Službene novine Zeničko-dobojskog kantona» broj 8/13) planirano je da se u 2017.godini, dio prihoda ostvarenih po osnovu naknada za obavljanje stručnih poslova u privatnim šumama, u visini od 280.000,00 KM, izdvoji za finansiranje poslova vezanih za izradu šumskogospodarskih osnova za privatne šume na području općina Breza, Visoko i Kakanj jer, rok važenja ranije donesenih osnova za navedena područja ističe u 2018.godini.

Sredstva planirana pod tačkom 2.2.2. Programa, namijenjena su, shodno članu 53. Zakona o šumama, za biološku obnovu i unapređenje šuma, tj. za učešće u finansiranju pošumljavanja šumskog zemljišta u privatnom vlasništvu (nabavka sadnica na osnovu dostavljenih zahtjeva vlasnika privatnih šuma), obnovu šuma od posljedica prirodnih nepogoda, požara i slično:

Realizacija Programa pod tačkom 2.2. izvršit će se na osnovu procedura propisanih u Zakonu o javnim nabavkama.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama utemeljen je u članovima 48. i 53. Zakona o šumama.

3. Naknade u postupku promjene namjene šumskog zemljišta (krčenje šuma)

Na osnovu člana 43. Zakona o šumama i tačke IV Odluke o načinu pretvaranja šumskog zemljišta u građevinsko („Službene novine Federacije BiH“, broj 108/12), promjena namjene šumskog zemljišta u građevinsko može se dozvoliti samo ako je to predviđeno važećim planom prostornog uređenja.

Vlasnik zemljišta kojem se odobri zahtjev za promjenu namjene zemljišta ima obavezu da, prije početka radova, uplati naknadu čiju visinu utvrđuje stručna komisija formirana ispred kantonalnog ministarstva. Naplaćena sredstva su namjenski prihod Budžeta Federacije BiH u visini od 40%, odnosno namjenski prihod budžeta kantona u visini od 60% i ista se, na osnovu tačke IV Odluke mogu koristiti samo u svrhu podizanja novih šuma.

U Budžetu za 2017.godinu, po osnovu naknada za promjenu namjene šumskog zemljišta (krčenja šuma), shodno gore navedenim propisima, planirana su sredstva u visini od 100.000,00 KM, namijenjena za:

3.1. Rekonstrukcija i investiciono održavanje - podizanje
novih šuma 100.000,00 KM

Realizacija Programa pod tačkom 3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) utvrđen je na osnovu člana 43. stav 2. Zakona o šumama.

4. Naknada za korištenje državnih šuma

Na osnovu člana 38. i člana 51. Zakona o šumama, naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedrvnih šumskih proizvoda.

U Budžetu za 2017.godinu, po osnovu naknada za korištenje državnih šuma planirani su prihodi u visini od 50.000,00 KM, namijenjeni za :

4.1.. Rekonstrukcija i investiciono održavanje 50.000,00 KM

Pod rekonstrukcijom i investicionim održavanjem podrazumijeva se, prije svega, podizanje, održavanje i zaštita šuma, ali i druge aktivnosti u cilju unapređenja šuma.

Realizacija Programa pod tačkom 4. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za korištenje državnih šuma utvrđen je u članu 53. Zakona o šumama.

5. Naknade za štete pričinjene državnim šumama i šumskom zemljištu

Na osnovu člana 10. stav 6 Zakona o šumama, pravna i fizička lica koja nanesu štetu u državnim šumama i šumskom zemljištu po bilo kom osnovu, dužna su, nosiocu prava upravljanja državnim šumama i šumskim zemljištem, nadoknaditi štetu. Naknada za pričinjenu štetu utvrđuje se prema važećem odštetnom cjenovniku, a uplaćuje se na depozitni račun kantonalnog budžeta.

Po osnovu naknada za štete pričinjene u državnim šumama i šumskom zemljištu, u Budžetu za 2017.godinu planirana su sredstva u visini od 20.400,00 KM, a predviđena su za sljedeće:

| | |
|---|--------------|
| 5.1. Izdaci za materijal i usluge | 5.000,00 KM |
| 5.2. Rekonstrukcija i investiciono održavanje | 15.400,00 KM |

Sredstva planirana pod tačkom 5.1 namijenjena su za izdatke za sudske takse tj. troškove sudskih izvršenja vezanih za prinudnu naplatu pričinjenih šteta po pravosnažnim sudskim odlukama.

Sredstva planirana pod tačkom 5.2. planirana su za rekonstrukciju šuma i šumskog zemljišta, a realizovat će se na osnovu kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za štete pričinjene državnim šumama i šumskom zemljištu, utvrđen je u članu 53. Zakona o šumama.

6. Sredstva za proširenu biološku reprodukciju šuma

U Budžetu Zeničko-dobojskog kantona za 2017.godinu, osim prihoda planiranih na osnovu kantonalnog Zakona o šumama („Službene novine Zeničko-dobojskog kantona“ broj: 8/13) planirani su i prihodi po osnovu naknada za proširenu biološku reprodukciju šuma, propisani Zakonom o šumama Federacije BiH („Službene novine Federacije BiH“ broj: 20/02) čija primjena je prestala krajem 2009.godine. Radi se o prihodima od naknada za proširenu biološku reprodukciju šuma, planiranim po osnovu neizmirenih obaveza JP „Šumsko privredno društvo Zeničkodobojskog kantona“ d.o.o. Zavidovići prema kantonalnom računu, nastalih u vrijeme primjene spomenutog Zakona.

Na osnovu Zakona o šumama Federacije BiH kantonalna šumsko privredna društva su imala obavezu da sredstva za proširenu biološku reprodukciju šuma uplaćuju na kantonalni račun, a Kanton je imao obavezu da nakon izvršene uplate, shodno odredbama navedenog Zakona, dio uplaćenih sredstava transferira na račune općina za razvoj nerazvijenih dijelova općine, a preostali dio sredstava da zadrži na kantonalnom računu i usmjeri za poslove obuhvaćene proširenom reprodukcijom šuma.

U novembru 2014.godine, između Zeničko-dobojskog kantona, kao tužitelja, kojeg je zastupalo Kantonalno pravobranilaštvo Zenica i JP „Šumsko privredno društvo Zeničko-dobojskog kantona“ d.o.o. Zavidovići, kao tuženog, zaključena je Vansudska nagodba o načinu izmirenja obaveza po osnovu Zakona o šumama Federacije BiH, na osnovu koje tuženi ima obavezu da glavni dug utvrđen prema kantonalnom računu po osnovu proširene biološke reprodukcije šuma izmiri u 36 (tridesetšest) jednakih mjesečnih rata u periodu decembar 2014 - novembar 2017.godine.

Shodno Vansudskoj nagodbi, u Budžetu za 2017.godinu, po osnovu proširene biološke reprodukcije šuma, planirana su sredstva u ukupnom iznosu od 597.590,00 KM, namijenjena za sljedeće :

- 6.1. Tekući transferi općinama po Zakonu o šumama 487.590,00 KM
6.2. Rekonstrukcija i investiciono održavanje 110.000,00 KM

6.1. Tekući transferi općinama

Iznosom planiranim za transfere općinama, u visini od 487.590,00 KM, predviđena je uplata sredstava na račune općina u dvanaest jednakih mjesečnih rata tj. uplata od XXIII do XXXIV rate. Od potpisivanja Vansudske nagodbe – novembar 2014.godine, do kraja 2016.godine, na račune općina uplaćena su sredstva po osnovu XXII mjesečne rate.

Realizacija planiranih aktivnosti vezanih za povrat sredstava općinama zavisi isključivo od visine sredstava koja će JP „Šumsko privredno društvo Zeničko-dobojskog kantona“ d.o.o. Zavidovići, po osnovu naknada za proširenu biološku reprodukciju šuma, uplatiti na kantonalni račun u 2017.godini.

Kriterij za utrošak sredstava pod tačkom 6.1. sadržan je u članovima 27. i 62. Zakona o šumama Federacije BiH.

6.2. Rekonstrukcija i investiciono održavanje

Sredstava pod tačkom 6.2. planirana u visini od 110.000,00 KM, predviđena su, shodno članu 6. stav 11. Zakona o šumama, prvenstveno za finansiranje nadzora nad izradom šumsko - privrednih osnova, ali i drugih poslova koji se odnose na unapređenje šuma.

Realizacija Programa pod tačkom 6.2. izvršit će se na osnovu procedura propisanih u Zakonu o javnim nabavkama.

Kriterij za utrošak sredstava pod tačkom 6.2. sadržan je članu 53. kantonalnog Zakona o šumama.

* * *

Utrošak namjenskih sredstava iskazanih u Programu odobrvat će se posebnim zaključcima Vlade Zeničko-dobojskog kantona koje će predložiti Ministarstvo za poljoprivredu, šumarstvo i vodoprivredu - Kantonalna uprava za šumarstvo.

Ukoliko se, iz određenih razloga, namjenska sredstva predviđena Programom za 2017. godinu ne utroše u cjelosti, preostala sredstva će biti prenesena u narednu godinu.

REKAPITULACIJA
utrošak namjenskih sredstava planiran za 2017.godinu

| R B | Izdaci | Naknade za općekorisne funkcije šuma | Naknade za obavljanje stručnih poslova u privatnim šumama | Naknade od promjene namjene šumskog zemljišta (krčenja šuma) | Naknade za korištenje državnih šuma | Naknade od šumskih šteta u državnim šumama | Naknade od Proširene biološke reprodukc. šuma | Ukupno planirana namjenska sredstva kol. (3 do 8) |
|----------------|------------------------------------|---|--|---|--|---|--|--|
| 1 | 2 | 3 | 4 | 5 | 6 | 7 | 8 | 9 |
| 1. | Izdaci za bruto plaće | 95.600,00 | - | - | - | - | - | 95.600,00 |
| 2. | Naknade troškova zaposlenih | 32.500,00 | - | - | - | - | - | 32.500,00 |
| 3. | Doprinos poslodavca | 11.800,00 | - | - | - | - | - | 11.800,00 |
| 4. | Izdaci za materijal i usluge | 37.200,00 | 84.500,00 | - | - | 5.000,00 | - | 126.700,00 |
| | Putni troškovi | - | 2.000,00 | - | - | - | - | 2.000,00 |
| | Energenti | 9.900,00 | - | - | - | - | - | 9.900,00 |
| | Komunalne usluge | 13.700,00 | 2.700,00 | - | - | - | - | 16.400,00 |
| | Nabavka materijala | 3.000,00 | 30.000,00 | - | - | - | - | 33.000,00 |
| | Izdaci za gorivo | - | 32.000,00 | - | - | - | - | 32.000,00 |
| | Izdaci za zakup prostora | 5.600,00 | 1.800,00 | - | - | - | - | 7.400,00 |
| | Tekuće održavanje | - | 7.000,00 | - | - | - | - | 7.000,00 |
| | Izdaci za osiguranje | - | 1.000,00 | - | - | - | - | 1.000,00 |
| | Ugovorene usluge | 5.000,00 | 8.000,00 | - | - | 5.000,00 | - | 18.000,00 |
| 5. | Transferi općinama | - | - | - | - | - | 487.590,00 | 487.590,00 |
| 6. | Nabavka opreme | 84.000,00 | - | - | - | - | - | 84.000,00 |
| 7. | Rekonstrukcija i invest.održavanje | 159.000,00 | 300.000,00 | 100.000,00 | 50.000,00 | 15.400,00 | 110.000,00 | 734.400,00 |
| | UKUPNO (od 1 do 7) | 420.100,00 | 384.500,00 | 100.000,00 | 50.000,00 | 5.000,00 | 597.590,00 | 1.572.590,00 |

Broj: 02-_____/17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Kantonalna uprava za šumarstvo (putem Ministarstva)
1x Ministarstvo finansija
1x a/a.